

CYNGOR CYMUNED CRYMYCH - CRYMYCH COMMUNITY COUNCIL

Clerc: Bethan Williams, 9 Berllan Aur, Boncath, SA37 0AB
cyngorcymunedcrymych@gmail.com / 01239 920180

Cofnodion Cyfarfod 02/03/2023

Pwynt Agenda	Prif drafodaeth	Pwyntiau Gweithredu
1. Croeso ac Ymddiheuriadau	Presenol Aled Johnston, Arwel Llywelyn, Cris Tomos (Cadeirydd), Eirlys Twigg, Hywel Lewis, Iwan Evans, Melony Richards, Robin Davies Shon Rees (Cyngorydd Sir) Bethan Williams (Clerc) Ymddiheuriadau Bill Davies, Roger Howells	
2. Cofnodion cyfarfod blaenorol – Cynnig ac eilio	 2023/02/03 Cynigiodd Hywel eu bod yn gywir, eiliodd Aled ac fe'u derbyniwyd fel cofnod cywir.	
3. Materion yn codi o'r cofnodion	(i) Rhandiroedd Hermon - Mae angen casglu rhestr o enwau a manylion cyswllt pawb sydd â rhandir er mwyn gallu cysylltu gyda nwh o flwyddyn i flwyddyn. (ii) Bocsys Grit - Mae tri bocs wedi cyrraedd a byddan nhw'n cael eu gosod a'u llenwi â grit yn ystod yr wythnos nesaf. - Bydd un yn mynd i Glôg, un mynd i Bentregalar ac mae angen penderfynu ar leoliad y trydydd bocs.	Roger a Bethan i greu rhestr o bobl a rhandir. Hefyd i ddanfon y cytundebau newydd. Meddwl a holi pobl ble mae angen bocs grit Rhoi neges am y bocsys grit ar y dudalen facebook ac yn Clebran

	• Cytunwyd i roi neges ar y cyfryngau cymdeithasol ac yn Clebran er mwyn i bobl wybod eu bod nhw yno i gael eu defnyddio (iii) Sbwriel • Pan fydd y nosweithiau wedi agor mas bydd Shôn yn trefnu bod pobl yn mynd i gasglu ar ddyddiau Sul a gyda'r nos. • Bydd “pickers” a bagiau gan Shôn • Mae'r bin yn y parc yn Hermon yn dal i fod yno, a phobl yn dal i drio rhoi sbwriel ynddo. (iv) Fferm Villa • Rhannodd Cris y cynlluniau diweddaraf gyda'r cynghorwyr dros e-bost. • Bydd Shôn yn cwrdd â chymdeithas tai Barcud i drafod y datblygiad a mynedfa yn ystod yr wythnos, ac yn adrodd nol. (v) Cwtsh Cynnes • Mae Cwtsh Cynnes Seion wedi dod i ben, ac yn ystod ei gyfnod wedi bwyso 273 o bobl. • Mae diddordeb gan y rhai oedd yn mynd i'r Cwtsh Cynnes i ddal ati, a thalu am y bwyd eu hunain. • Mae costau trydan yn ddrud iawn, ond byddai modd cynnig bwyd a lle cynnes i bawb a thalu costau am £10 yr un. • Mae pedwar digwyddiad i'w cynnal o hyd yn y Cwtsh Cynnes yn Crymych ar nos Lun ac hefyd yn Hermon.	Shôn i ddilyn lan a gwneud yn siŵr bod y bin yn Hermon yn cael eu dynnu oddi yno Shôn i roi diweddariad am Fferm Villa yn y cyfarfod nesaf.
4. Cyfieithu Cofnodion	• Daeth e-bost i ofyn a ydyn ni'n cyfieithu cofnodion cyfarfodydd y cyngor cymuned. • Cytunwyd i ofyn i'r Cyngor Sir a oes cymorth ar gael i gyfieithu cofnodion i'r Saesneg, ond am y tro einb do yn argymhell bod y person sydd wedi cysylltu yn defnyddio Google Translate i gael syniad or hyn sy'n cael ei drafod a'i benderfynu.	Bethan i holi am unrhyw wasanaethau cyfieithu gan y Cyngor Sir ac ateb yr e-bost i ddweud ein bod ni'n edrych i mewn i hynny.
5. Gohebiaeth	(i) Yr Urdd	

6. Ymgynghoriad ar leoliad ysbyty newydd	• Daeth gwybodaeth am yr ymgynghoriad ar leoliad yr ysbyty newydd. • Bydd digwyddiad galw heibio yn neuadd y Dref, Aberteifi, ar Fawrth 10 rhwng 2pm a 7pm • Cytunwyd i rannu gwybodaeth am y digwyddiad hwn a digwyddiadau rhithiol ar dudalen facebook y ychngor.	Cris i osod ar y dudalen Facebook
7. Cyfrifiad Diffibrilwyr Mynediad Cyhoeddus	• Mae yna fudiad yn cynnal cyfrifiad o ddiffibrilwyr cyhoeddus. • Nid y cyngor cymuned sydd yn gyfrifol am unrhyw ddiffibrilwyr felly mae angen holi a oes angen i ni gwblhau'r ffurflen.	Bethan i holi a oes angen cwblhau'r ffurflen, a mynd ati os bydd angen
8. Cynllunio	(i) Ymgynghoriad Parc Cenedlaethol • Mae'r parc cenedlaethol yn cynnal ymgynghoriad ar Ganllawiau Cynllunio Atodol. • Gan nad yw'r ward o fewn ffiniau'r Parc Cenedlaethol cytunwyd nad oes angen ymateb i'r ymgynghoriad	
9. Cyllid	• Roedd £17,617.73 yn y cyfri banc ddiwedd mis Chwefror	
10. UFA	(i) Goleuadau Croesfan Crymych • Mae'r golau'n newid yn rhy sydyn, mae angen rhoi mwy o amser i bobl groesi. (ii) Llinellau melyn Heol Parc y Ffair Mae angen ailbeintio llinellau melyn ar Heol Parc y Ffair, dydyn nhw ddim yn glir i'w gweld ar hyn o bryd. (iii) Traffig ynghanol Crymych • Mae traffig yn symud yn araf trwy'r pentref, mae rhai posibiliadau: - Rhoi llinellau melyn lle mae llefydd parcio o dan yr orsaf dân, ond byddai hynny'n gallu creu problemm i bobl sy'n byw yno - Lleihau'r palmant ar un ochr y rhewl, fel bod modd lledaenu'r rhewl - Rhoi lle parcio ger tai Fferm Villa a chael gwared ar y	Shôn wedi cytuno i ddilyn lan a gyda'r adran berthnasol. Bydd Shôn yn siarad gyda'r bobl sy'n byw yn y tai ar y rhewl er mwyn cael eu barn ar syniadau.

	llefydd parcio ar y rhewl. Byddai hyn yn ddibynnol ar le wrth Fferm Villa. (iv) Problem cyflymder ym Mhentregalar • Roedd rhan fwya'r pentrefwyr yn y cyfarfod i drafod problem cyflymder Pentregalar yn ddiweddar. • Bydd Go Safe yn rhoi fan mas yn achlysurol ac mae bwriad creu grŵp "speedwatch" i fesur cyflymder tra bod y fan ddim yno. • Mae arwydd sy'n fflachio cyflymder a llinellau wrth ddod mewn i'r pentref, neu linellau i geisio arafu pobl yn cael eu hystyried. (v) Ymddiriedolaeth Tai Cymunedol • Mae Cwmpas yn cynnig grantiau o £7-8k ar gyfer sefydlu ymddiriedolaethau tai cymunedol. • Roedd bwriad sefydlu ymddiriedolaeth tai cyn y pandemig, ac roedd Barcud wedi sôn am roi pum plot o ddatblygiad Fferm Villa i ymddiriedolaeth tai. • Fyddai dim rhaid gwneud unrhyw beth yn syth felly cytunwyd i wneud cais yn y lle cyntaf. • Os bydd y cais yn llwyddiannus gall yr ymddiriedolaeth holi Barcud am blotiau Fferm Villa	Cris i siarad a Cwmpas o ran y cais a'r cais i fynd mewn yn enw y Cyngor Cymuned. Bydd angen enw Bethan ar y cais.
11. Dyddiad a Lleoliad y Cyfarfod Nesaf	• 7.30, nos Iau Ebrill 6 • Llyfrgell Crymych	